

再爲減等設遇娶主律得不坐則知情之媒人竟至無罪可科勢必仍從爲首之罪議減反致辦理參差檢查本部辦過居喪嫁娶成案內知情之媒人俱係照例減擬杖九十並無辦過笞四十之案今該司將斬會王寡婦於知情婚娶之康府應得罪上減等擬笞係屬舛錯

同姓爲婚衡情勿論

道光十年四川省劉子盈同姓爲婚依律擬杖一案查律載同姓爲婚者主婚與男女各杖六十離異又例載男女親屬有律應離異之人於名分不甚有碍者聽各衙門臨時斟酌其姑舅兩姨姊妹爲婚者聽從民便誠以律設大法禮順人情同姓爲婚雖律有明禁而同姓不宗與同姓服盡親屬則迥不相侔故向來遇有娶同姓不宗之女者因於名分不甚有碍率皆衡情勿論所有該督聲明將劉子盈等杖責寬

免之處應毋庸議餘均如所題完結

從母娶大功兄妻獨坐主婚

道光六年陝西省咨送五年冬季外結徒犯冊內楊秉德娶大功兄妻王氏爲妻一案查律載嫁娶違律若由父母主婚者獨坐主婚人又載娶小功以上親之妻以姦論又姦總麻以上親之妻者各杖一百徒三年又收兄弟妻例內載稱凡嫁娶違律罪不至死仍依舊律定擬細譯收兄弟妻例內凡字之義似非專指收兄弟妻律准減等者而言此案楊秉德收大功兄妻係由伊母主婚該省聲明罪不至死按例應